

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Broj: 03-14-308/2014
Sarajevo, 20.08.2014. godine

PARLAMENT FEDERACIJE
BOSNE I HERCEGOVINE

- Predstavnički / Zastupnički dom -
gosp. Safet Softić, predsjedavajući
- Dom naroda -
gosp. Tomislav Martinović, predsjedavajući

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

PRIMLJENO: 28.08.2014				
Organizacija / jedinica	Klasif. grupa	Broj i godina	Vrijednost	Priloga
01-14		-1046/14		

Poštovani,

Na osnovu člana 30. stav 2. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10), radi informiranja, dostavljam Vam **IZVJEŠTAJ O ZADUŽENJU FEDERACIJE BOSNE I HERCEGOVINE PO OSNOVU EMISIJE TREZORSKIH ZAPISA**, koji je Vlada Federacije Bosne i Hercegovine usvojila na 128. sjednici, održanoj 20.08.2014. godine.

S poštovanjem,



PREMIJER
Nermin Nikšić

Prilog: kao u tekstu

IZVJEŠTAJ

O ZADUŽENJU FEDERACIJE BOSNE I HERCEGOVINE PO OSNOVU EMISIJE TERZORSKIH ZAPISA

Zakonom o izvršenju Budžeta Federacije Bosne i Hercegovine za 2014. godinu (Službene novine FBiH broj: 99/13), na poziciji Finansiranje – Primici od domaćeg zaduživanja – Trezorski zapisi, planirano je zaduženje u iznosu od 260.000.000,00 KM čija realizacija je planirana putem emisije trezorskih zapisa.

Vlada Federacije Bosne i Hercegovine je na svojoj 63. sjednici održanoj 09.10.2012. godine donijela Odluku o uslovima i procedurama emisije trezorskih zapisa Federacije Bosne i Hercegovine (Službene novine FBiH broj: 88/12). Tačkom III stav 1. naprijed navedene Odluke propisano je da se emisija trezorskih zapisa Federacije vrši prema dinamici, obimu, uslovima i na način utvrđen Odlukom o emisiji iz tačke II stav 1. iste odluke koju donosi Vlada Federacije Bosne i Hercegovine.

U vezi sa naprijed navedenim Vlada Federacije Bosne i Hercegovine je na 97. sjednici održanoj 22.01.2014. godine donijela Odluku o zaduženju Federacije Bosne i Hercegovine putem emisije trezorskih zapisa Federacije Bosne i Hercegovine V. broj 58/2014 (Službene novine FBiH broj: 6/14), kojom je odobreno zaduženje Federacije Bosne i Hercegovine putem emisije trezorskih zapisa radi prikupljanja sredstava za finansiranje izdataka utvrđenih Budžetom Federacije Bosne i Hercegovine za 2014. godinu u nominalnom iznosu od 110.000.000,00 KM sa rokom dospijeca od šest mjeseci (91 dan).

Dana 11.07.2014. godine objavljen je Javni poziv za učestvovanje u emisiji trezorskih zapisa Federacije Bosne i Hercegovine putem aukcije na sarajevskoj berzi-burzi vrijednosnih papira, kojim su pozvana sva zainteresovana fizička i pravna lica da učestvuju na aukciji trezorskih zapisa Federacije Bosne i Hercegovine.

Aukcija trezorskih zapisa Federacije Bosne i Hercegovine održana je 22.07.2014. godine, čime je Federacija Bosne i Hercegovine je ponudila 3.000 trezorskih zapisa nominalne vrijednosti 10.000,00 KM po zapisu, (što ukupno iznosi 30.000.000,00 KM), sa rokom dospijeca 91 dan, putem metode višestrukih cijena.

Za vrijeme trajanja aukcije ukupno su pristiglo 12 ponuda za kupovinu 3.836 trezorskih zapisa u ukupnom iznosu od 38.360.000,00 KM.

Prihvaćeno je 4 (četiri) ponude za kupovinu trezorskih zapisa putem kojih je prodano svih 3.000 trezorskih zapisa ukupne nominalne vrijednosti 30.000.000,00 KM, što predstavlja 100% planiranog obima emisije.

Najviša prihvaćena cijena iznosila je 99,9253 uz kamatnu stopu 0,30% a najniža prihvaćena cijena iznosila je 99,7265 uz kamatnu stopu 1,10%. Trezorski zapisi prodati

su po prosječnoj ponderisanoj prihvaćenoj cijeni od 99,8516 odnosno prosječno ponderisanoj kamatnoj stopi od 0,59%.

Ukupan iznos prikupljenih sredstava putem emisije trezorskih zapisa iznosi 29.955.580,76 KM.

Trezorski zapisi dospijevaju na naplatu 22. listopada 2014. godine.

Udio pojedinih sektora u ukupnom iznosu emisije iznosi :

Bankarski sektor	100,00%
------------------	---------

Na dan poravnanja 23.07.2014. godine na osnovu izvršene emisije na Posebnom privremenom transakcijskom računu Federacije BiH otvorenom kod Union banke d.d. Sarajevo broj: 102-050-000-010-6698, uplaćeno je 29.955.580,76 KM.

Temeljem članka 19. stavak 4. Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine je, na 128. sjednici održanoj 20.08.2014. godine, donijela

ZAKLJUČAK

1. Usvaja se Izvješće o zaduženju Federacije Bosne i Hercegovine po osnovu emisije trezorskih zapisa.
2. Izvješće iz točke 1. ovog zaključka dostavit će se Parlamentu Federacije Bosne i Hercegovine.
3. Ovaj zaključak stupa na snagu danom donošenja.

V. broj: 1491/2014
20.08.2014. godine
Sarajevo

